

Siasat bungkus daging khinzir 'halal'

Kluang: Akan siasat dan ambil tindakan. Itu reaksi pihak Kementerian Perdagangan Dalam Negeri dan Hal Ehwal Pengguna (KPDNHEP) Johor berhubung tular bungkus daging khinzir mempunyai logo halal didakwa dijual di sebuah pasar raya di negeri ini.

Penularan gambar itu turut mengundang reaksi terkejut pengguna laman sosial apatah lagi ia membabitkan isu penggunaan logo halal mencurigakan.

Ketua Pegawai Penguatkuasa Kementerian Perdagangan Dalam Negeri dan Hal Ehwal Pengguna (KPDNHEP) Johor, Zubir Hamsa berkata, siasatan awal pihaknya percaya bungkus daging khinzir yang tular itu dipercayai dijual di pasaran negara jiran.

"Bagaimanapun, siasatan akan tetap dijalankan sama ada bungkus daging babi itu dijual di negeri ini atau hanya tular semata-mata," katanya.

